

per operacioj. ~isto. Specialisto en ĥirurgio.

\* **Ĥolero.** Epidemia malsano, preskaŭ ĉiam mortiga, karakterizata per gravaj intestaj malordoj, intensa malvarmigo k spasmaj kuntiriĝoj de membroj.

\* **Ĥoro.** Aro da personoj, kiuj akorde k samtakte dancas, movas la membrojn, kantas aŭ parolas : ~oj de nimfoj ; la ~oj de la Opero, de la greka tragedio ; ~aj popoloj societoj. ~ajo. Kanto

speciale verkita por esti kantata de ~o. ~ejo. Loko de la preĝejo, kie kantas ordinare la preĝeja ~o. ~estro. Gvidanto k direktanto de ~o. ~jambo. Verspiedo, konsistanta el du mallongaj aŭ senakcentaj silaboj metitaj inter du longaj aŭ akcentaj (— ~ ~ —).

**Ĥoreo** ☿. Nerva malsano, karakterizata per senĉesaj konvulsiaj senvolaj movoj : elektra, falsa, fibretara, hereda, histeria, paraliza ~o.

# I

\* **Ia.** Nedifina adjektivo, signifanta : « de ne precize difinita speco ; de mi ne scias kia kvalito » : *vi devis elekti ~n vorton pli simplan Z ; tie mi sentis min ~ fremdulo Z ; via vino estas nur ~ abomena acidaĵo Z ; tie ĉi estas ~ kaŝita afero Z ; li intencas ~n friponaĵon Z ; ĝi estas ~ speco de malbona antaŭseno Z ; tiuj mal-facilaĵoj estas alkondukitaj (limigitaj) al ~ unu aŭ du reguloj Z ; tiu artikolo estas nur ~ kolekto da kalumnioj ; mi ĵuras per ĉiuj dioj, se ~j ekzistas B ; ni ne estas ~j teoriaj fantaziuloj Z ; multe helpi al vi per ~j bonaj konsiloj mi ne povas, ĉar mi neniam ankoraŭ partoprenis en ~ kongreso Z ; timigita de ~ ŝajnaĵo Z ; la dramo havis lokon en ~ urbeto de Italujo Z ; al la patrino estas necese havigi ~n negrandan komforton Z ; neniu povas diri, ke mi havas ~n ritalon al la afero Z ; sen ~ kaŭzo ; sen ~ ŝanceliĝo Z ; tiu ĉi ĉapitro havas nun intereson nur historian, se ĝi havas ~n Z. Rim. **1a** montras nur la kvaliton, la naturon, la specon, la econ, sed neniel la individuecon. Tamen ĉi tiu diferencigo estas ofte indiferenta ; tial Z rimarkigas, ke « ofte oni povas sen eraro diri **la, kia, nenla** anstataŭ **iu, kiu, neniu** ».*

\* **Ial.** Adverbo, signifanta : « pro ia kaŭzo » : *strange, la mondo ~ rigardas nin senkonfide ; niaj leteroj ~ ne estas alvenintaj.*

\* **Iam.** Adverbo, signifanta : **1** en ia tute ne difinita tempo : *ni, esperantistoj, devas labori pli energie ol ~ ( ~ ajn ) ; se mi vin ~ portis en la koro, vivu Z ; el ĉiuj,*

*kiuj ~ min ĉirkaŭis, vi estas la plej brava Z ; tiun sinjoron mi vidis ~ ajn ; ~ k ~ (de tempo al tempo). 2 En ia pasinta tempo : ~ ni havis reĝon ; ~ ni estis amikoj, sed lia konduto fremdigis lin al mi. 3 En ia venonta tempo : kio vivas, necese devas ~ morti Z ; mi ne povas esperi, ke li ~ sukcesos ; alingu min morto, se ~ eĉ la ombro de sopiro povos min tiri al alia viro Z ; ~ poste venos la venko Z ; ~ mi faros ĝin, sed mi ne scias kiam. Rim. 1 Kiam en la propozicio estas jam la nea vorto, **iam**, laŭ la 12-a regulo de la gramatiko, anstataŭas **neniam**, sed gardas ties sencon : *li al neniu helpis ~ ; neniu ~ ion aŭdis pri la najtingalo Z ; mi ekbruligos por li ĵunebran torĉon, kiam ankoraŭ neniu reĝo havis ~ Z. Rim. 2 Ĉar iam havas egale estintan k estontan sencon, tiu adverbo povas en kelkaj okazoj esti dubasenca. Por forigi tiun konfuzon, oni povas, laŭ la okazo, aldoni al **iam** la adverbojn **antaŭe** aŭ **poste**. Tamen en plej multaj okazoj la tempo de la verbo sufiĉas por forigi ĉian dubon. ~a. ~ estinta : ~a oficiro (eksoficiro) ; ~aj bestoj, de longe malaperintaj. Rim. Kvantkam **lama** povas teorie havi ankau la sencon **iam estonta**, ĝi tamen estas, pro praktika oportuneco, efektive uzata nur parolante pri pasinteco.**

\* **Ibiso.** Longkrura birdo, manganta serpentojn k aliajn rampulojn, pro kio ĝi estis rigardata kiel sankta de la antikvaj Egiptanoj (*ibis*).

\* **Id.** 1° Sufikso esprimanta ĝeneralan ideon de naskiteco : *kio estas hom~o ? Z*